

مجموعه ابو الضحی

ماسوا شایب سندن دل قطره به چالش
بر تو حکمت و عرفان ایله تنوره آتش

هر ماه عربی ابتدا سیله اون بشنده نشر اولنور فنون مجموعه سیدر

جزء ۴۱ [فی غرة ربيع الاول سنة ۱۳۰۲] نسخه سی ۳ فروش

بولنش اولدینی حالدہ ایرتسی کونی ضبط جریده سنه وضع امضایه مجبور اولمشدر .

مع مافیہ رهایندن مارماریسلی تئونس ایله (پتولوماق) لی سقوند، آریوسک افکارینی تصدیق و ترویجده نهایت درجده اصرار و ثبات ایش اولدقلرندن مجلس رهبانی قرار یله کلیسادن طرد و ایمپراطورک امر یله دخی مملکتدن نفی و تغریب ایدلمشدر .

بونک اوزرینه قسطنطین بر امر نامه نشر یله هر کیم آریوسک یازدینی رسائلدن بری النده بولنورده یاقیه حق اولور ایسه مجازات شدیدیه دوچار اوله جغنی اعلان ایشدر .

اوج آی صکره معترضیندن ازمیدلی اوزوب و تئونس نام کیسه لر دخی غول طرفلرینه یعنی فرانسه اولکه سنه نفی اولمشدر .

(مابعدی وار)

کید النساء

ازمیر تجارندن بری بردولات تجارت کشاد ایتک اوزره مصره کتقش و بر آراق تجارندن برینک کریمه سیله ازدواج ایش ایدی . ایشارینی یولنه قویدقدن صکره بلده سنه عودتی لازم کلدکده ذاتاً ازمیرده متأهل بولغسی جهتله زوجة ثانیه سنی برابر کوتورمیه رک معیشتی تأمین ایله برابر قائم پدرینک خانه سنده براقه رق ازمیره گیر وهر سنه تجارتی الحاسیه بر ویا ایکی دفعه مصره کیدوب اوج بش آی قالدینی کبی ازمیرده بولندچه دخی قائم پدری اولان تاجرله مخباره ایدهرک کندی زوجه سنک و زوجه سنی گندیسنک احوالندن بووجهله خبردار اولورلر ایدی . برکون ینه قائم پدرندن آلدینی برمکتوبده زوجه سنک شدتی برحمایه طوتیه رق اوج کون اینجده

اربحال ایتدیکنی و متروکاتی ایچون بالذات بولغسی لازم کلدیکندن ایلک واپورله حرکتی طلب اولدیغنی کورمه سیله فوق الغایه تأسف ایدر؛ واقشام اوه کلدیکنده تجارتندن طولانی مصره کتمسه لزوم کورندیکنی وایکی کونه قدر حرکت ایدم جکنی سویله مسیله قادین زوجنک طورینی پک متلاشی و سیماسنی منموم کورمسندن « افندی! سزی بوسفر پک اندیشه لی کور بیورم؛ غالباً مصردن برفنا خبر آلدیکز . یوقسه سز مال ایچون بوقدر مکدر گورنمزسکر . بن ظن ایتشدم یا مطلقاً اوراده بولندیغکز صره لرده اولمش سکردر. شمدیده احتمال که آکا دائر برموحش خبر آلوده متأثر اولدیکز. » دیر . تاجر ایسه « حاشا بنم سندن بشقه زوجم بوقدر » دیه کوکسنی گر کره انکارده بولنور . قادین علائم ابتسامه عدم اعتماد تصویر ایدر بر صورت ویره رک بودرلو ایناتقی ایسته مز . و نهایت زوجنک قوتلی قوتلی تأمینلری اوزرینه « . پک اعلا ! مادام که بنی تأمین ایتک ایستیورسکر سندن بشقه کرک بو مملکتده و کرک مصرده زوجهرم وارسه هپسنی تطلیق ایلدم . دیه یمین ایتدیکه بو تأمینلریکه وجود ویرم » دنجبه تاجر زوجة مصریه نک وفاتی و یمین ایتسه باشی اغریمه جغنی بیلدیکنی جهته زوجة قدیمه نک آرزوسی وجهله افاده تطلیقیه ده بولندقد قادین برطور مظفریتله « اویله ایسه مصره عزیمت کلقتی برطرف ایدک؛ زیرا مصرده کی زوجة مطلقه کز صاغدر . او مکتوب بنم اثر صنم ایدی . تطلیق ایدر سه کز قائم پدر کزک اولدیغنی سزده آکلار سکر » دیمش و زوجیله اورتاغندن بوسورتله احذ ثار ایشدر . (اللهم احفظنا من کید النساء)

نار کیله لفظنک اصل

معلومدر که املائی عثمانیده بولفظی کاه (نار کوله) و کاه (نار کله) رسخنده تحریر ایدنلر و (نار) ایله (کله) لفظنندن مرکب برکله در دیه